





H A R A N G V E P R O N O N C E E

EN LA SALLE DV PETIT

Bourbon, le 27. Octobre 1614.

à l'ouuerture des Estats
tenus à Paris.

*Par Messire Pierre de Roncherolle,
Cheualier, Seigneur & Baron du
Pont S. Pierre, Gentil-homme ordi-
naire de la chambre du Roy, & Se-
neschal de Ponthieu.*



EN LA BOVTIQUE DE NIVELLE,
Chez SEBASTIEN CRAMOISY, rue S.
Iaques, aux Cigognes.

M. DC. XV.

Auéc Prinilege du Roy.

Case

F

39


, 326

161540n

THE NEWBERRY
LIBRARY



HARANGVE PRONON-
CEE EN LA SALLE DV PETIT
Bourbon, le 27. Octobre 1614. à
l'ouuerture des Estas tenus à Paris.



SIRE,

Les plus grands person-
nages de l'antiquité ont
toufiours eu à si grand estime & telle
reuerence, la grandeur del'autorité
Royalle, que plusieurs d'entre eux
n'ont pas creu que les Roys fussent
de la mesme trempe des autres hom-
mes: mais que comme petits Dieux
en terre, ils commandoient & re-
gentoient ce bas monde par vne
puissance dependante seulement de

la Majesté souveraine. Les Iuges dirent vne fois à Cambises Roy de Perse, qu'il y auoit vne ordonnance qui portoit, que les Roys pouuoient faire tout ce qui leur sembloit, sans crainte de faire iamais iniustice: Et ce (disoient-ils) d'autant que la puissance de laquelle ils se seruent pour commander, defendre, enioindre, interdire, est toute la raison & la sagesse de Dieu: & les Romains semblent auoir eu mesme creance, puis que parmy eux il y auoit vne loy, qui portoit defense de creer aucun Magistrat, pendant que le Dictateur qui de plus pres representoit la personne Royale, estoit en charge, lequel n'auoit point besoin du Cōseil d'autrui: Puis que la iustice estoit leur fidelle compagne qui ne leur manquoit iamais. Vostre Noblesse, SIRE, qui a l'honneur d'estre commandee du plus puissant Monarque qui soit

sur la terre, n'a pas moindre opinion
 de vostre Royale grãdeur. Elle sçait
 que vous auez receu l'autorité de
 Dieu & en degré souuerain, puis que
 c'est par participation de la Diuine
 puissance. Elle se souuient que les
 trois marques qui releuent le plus vn
 throsne Royal, la Majesté, la Force,
 & la Sagesse, ont esté enuoyees du
 Ciel au premier Roy Chrestien, qui
 posseda iamais le sceptre François. La
 Majesté paroist és fleurs de lys venus
 d'enhaut, la Force en l'oriflambe ve-
 nuë du Ciel, & la Sagesse en l'huile de
 la sainte Ampoule, portee ça bas
 (comme l'on croit) par les Anges.
 Elle vous recognoist pour le tres-di-
 gne fils du trois fois grand Monar-
 que Henry le Grand, d'immortelle
 memoire, lequel par droict de suc-
 cession hereditaire, & si iel'ose dire,
 par droict de iuste conqueste s'est
 assubietty ce vostre peuple François,

qui s'est tenu fort heureux apres son
extreme mal-heur, de pouuoir viure,
ou plustost reuiure sous les loix de
vostre obeissance, lors mesme que
vostre petit aage vous ostoit le moyé
de pouuoir commander, & à l'imita-
tion du Roy Sapor, qui en recognois-
sance des merites du pere fut cou-
ronné dans le ventre de la mere, il
vous a rendu l'hommage quasi dés
le berceau, qu'il espere continuer de
temps en téps, & de bien en mieux
iusques à la fin, porté à cela & par la
reconnoissance de son deuoir, & par
le ressentiment qu'il a de vostre ex-
treme bonté, qui luy permet de s'as-
sembler en trois Estats, pour apres
auoir formé les cahiers de ses plain-
tes, vous représenter en toute liberté
ses doleâces, & descouurir ses playes.
Vous faiâtes en cela, SIRE, comme
le Soleil (aussi en estes vous l'image,
puis que vous donnez la clarté aux

autres planettes obscurcies sãs vous)
 lequel plus il est haut en son solstice
 esleué de nostre orizon, plus il va len-
 tement à sa course & deliberations
 importantes : Il faut se haister lente-
 ment, (disoit quelqu'un) & c'estoit
 l'opinion d'un sage Ancien, qui te-
 noit les Roys plus recommandables,
 ceux qui bien que sages, n'vsoient ia-
 mais de leur seule prudence au ma-
 niement des affaires de consequen-
 ce: de cest aduis estoit aussi le Roy de
 Sparte , qui premier institua les E-
 phores, lequel reuenu en sa maison,
 trouua sa femme qui grondoit, luy
 reprochât qu'il auoit diuisé l'Empire,
 Non est, dit-il, plus clair voyant, car
 ayant fait part de mes conseils à mes
 subiects, ie croys auoir affermy mon
 Estat. Les Mages anciennement at-
 tachoient quatre petits oyseaux dans
 les Palais des Roys de Babylone,
 qu'ils appelloient langues des Dieux,

parce que l'on croyoit qu'ils auoient
 la force desmouuoir les cœurs des
 subiects au seruice des Princes : Au
 lieu des quatre en voicy trois, SIRE,
 representez par ces trois Estats assem-
 blez à vostre Palais de Iustice, qui à
 beaucoup meilleur tiltre qu'eux, peu-
 uent estre appelez les langues des
 Dieux, puis que la voix du peuple est
 ordinairement sa voix mesme. De ces
 trois se compose le corps de ceste
 assemblée generale la plus auguste, la
 plus conuenable & la plus belle qui
 aye esté iamais cōuoquee par aucuns
 de vos predecesseurs, Roys augustes,
 d'autant que l'ouuerture d'icelle se
 remonstrant par vostre ordonnance
 avec celle de vostre majorité, il ad-
 uient heureusement, que dés l'entree
 de vostre gouvernement vous vous
 faictes paroistre, sans que l'aage y
 mette obstacle, le pere de vostre peu-
 ple, conuenable en ce qui apres auoir
 remer-

remercié tres-humblement vostre
 Majesté de l'honneur qu'elle nous a
 faicte de nous conuoquer en ce lieu,
 pour les causes susdictes, le moyen
 nous est ouuert de remercier tres-
 humblement la Royne vostres tres-
 digne mere, nostre tres-honnoree
 dame, & luy rendre mille graces qui
 luy sont deuës, pour auoir si pru-
 demment, si iustement, & si digne-
 ment gouverné cest Estat durant vo-
 stre minorité. Nous le faisons donc,
 M A D A M E, & bien que ce soit avec
 toute la portee de nos esprits, & tou-
 tel'estenduë de nos affections, nous
 aduoüons toutesfois librement, &
 confessons hautement, que ce n'est
 rien au pris de vos infinis merites, &
 des extremes obligations que nous
 vous auons. Vous estes, M A D A M E,
 ceste seconde Royne Blanche mere
 de saint Louys, qui par vostre pru-
 dence & tres-sage conduicte, vous

estes si dignement acquitee de la Re-
 gence qui vous auoit esté commise,
 que vous auez merit  comme elle,
 d'estre nommee sans contredict, la
 plus sage Princesse de vostre siecle.
 Vous estes ceste autre Amalazonte,
 tant renommee dans les histoires,
 pour auoir si heureusement conser-
 u  le Sceptre   son fils. Vous auez fait
 le mesme, MADAME, & ces fleurs
 de lys qui vous auoient est  baillees
 comme en depost, n'ont point flestry
 en vos mains. Vous les rendistes l'au-
 tre iour aussi fraisches & aussi ver-
 doy tes qu'elle furent iamais. SIRE,
 nous tressaillons d'aise, quand nous
 nous souuenons qu'  l'exemple de ce
 Roy des Gethes duquel le premier
 Conseiller s'appelloit Dieu, vostre
 Majest  a sceu si bien rencontrer que
 de choisir pour chef de son Conseil
 ceste seconde Deesse. Puissiez vous
 heureusement & long temps suyure

ses saincts & salutaires aduis. Ce souhait que nous vous faisons téd grandement à nostre opinion au bien de toute la France. Le contentement que i'ay creu que vostre Majesté prenoit à ouyr dire quelque chose des merites de la Royne, m'a faict quasi oublier mon dernier point, plus important neantmoins que les autres. C'est, SIRE, l'esperance que nous auons tous que ceste assemblée sera tres vtile: ouy elle le fera, Dieu aydant, car d'un costé elle fera paroistre la sincerité de vos affections vers vostre peuple, & de l'autre remedira sous vostre authorité à quelques desordres qui se sont glissez dans cest Estat depuis quelque temps: vostre peuple en sera soulagé, & vostre Noblesse, comme nous croyons, reprendra sa premiere splendeur. Ceste Noblesse autrefois si releuee, maintenant tant abaissée, par quelques vns de

l'ordre inferieur, sous pretexte de quelques charge. Qu'ils apprenent, que bien que nous soyons tous subiets d'un mesme Roy, nous ne sommes pas tous neantmoins esgallement traictez. Ils verront tantost la difference qu'il y a d'eux à nous: ils le verront & s'en souuiendront s'il leur plaist. C'est ceste Noblesse, SIRE, qui est tous les iours preste d'exposer mille vies, si elle les auoit, pour le seruice de son Prince, & qui n'espargna iamais son sang, pour la defense de la patrie: Elle feroit beaucoup plus aise, & se tiendrait plus honoree de vous rendre preuue de son affection l'espee à la main, au milieu des hazards, que de vous rendre ce foible tesmoignage, si commun aux autres ordres. C'est elle qui par ma bouche vous faict nouuel offre de son cœur, de son courage, de son zele, de ses biens, de ses armes, de

son sang, & de sa vie; qu'elle croira
très-dignement employée, lors qu'il
se présentera occasion de vous ren-
dre son deüoir, faisant son exercice,
& le ressentiment qu'elle a de vostre
extreme bonté. Augure très-certain
de la felicité qui regard la France.

Extrait du Priuilege du Roy.

PAr grace & priuilege du Roy, il est permis à SEBASTIEN CRAMOISY, Marchand Libraire Iuré en l'Vniuersité de Paris : d'imprimer ou faire imprimer, & mettre en vente, *La Harangue prononcee en la Salle du petit Bourbon, le 27. Octobre 1614. à l'ouuerture des Estats tenus à Paris,* Par MESSIRE PIERRE DE RONCHEROLLE, Cheualier, Seigneur & Baron du Pont S. Pierre, Gentil-homme ordinaire de la chambre du Roy, & Seneschal de Ponthieu. Faisant tres-expresses defenses à tous Libraires & Imprimeurs, ou autres de nos subiects de quelque qualité ou condition qu'ils soient, d'imprimer ou faire imprimer ladicte Harangue &c. la vendre, faire vendre, debiter, ny distribuer par nostre Royaume, sous pretexte de quelque addition, changement ou autre forme de deguïsement qu'on y pourroit apporter, durât le temps & espace de six ans entiers & accomplis, sur peine aux contreuenans de mil liures d'amende, & de confiscation des exemplaires, & de tous despens, dommages & interests, comme il est plus amplement déclaré és lettres de priuilege, donnees à Paris le 16. Mars 1615.

Signé, Par le Roy en son Conseil.

LE FEBVRE.

